

NORSK ETNOLOGISK GRANSKING

Emnenr. 7. Fylke: Buskerud
 Tilleggsspørsmålnr. til liste nr. 7. Herad: Uvdal
 Emne: Skav. Bygdelag: Uvdal
 Oppskr. av: Anna Samuelsen Gard: ~~xxxxxxx61xx~~ Skogheim
 (adresse): Uvdal G.nr. 61 Br.nr. 22.

- A. Merk av om oppskrifta er etter eiga røynsle. eige røynsle og spurnad her og der.
 B. Eller om den er etter andre heimelsmenn: (ta også med alder, heimstad, yrke):

-----1. SVAR

Noko slikt som at krøterhandleran sette større verdi paa krøtter som hadde faat skav om vinteren, er heilt ukjend av alle eg har spurgt av eldre folk.

2.

Noko slikt som aat ei ku som hadde faat mykje skav, fekk svart kjøt har heller ingen høirt noko om.

3.

Noko slikt som aat kalvar ikkje taala mjølkje av ei ku som hadde faat skav, hell' ikkje grisungar, er det heller ingen som har høirt noko om.


4.

Noko vist maal som anjekk haa mykje skav kvar ku slalde n ha vart aldrig snakka om, men eg huksa aat stemor mi gav kvar ku eitpar neva skav, det vart nerast rekna for delikatesse, for dyran var svert gla i skav. Noko maal om kor mykje dei skulde skava til vinterbruk var det ikkje her. Det var slik, aat naar dei hadde kjøit heim ei vealaan o reist den upp ette veasjolsveggen, so saagaa dei den up i passe lengde 1-2 meter ettersom dei hadde rom inni stugo naar dei skulde skava. Det var helst store tre dei skov Dei sette den eine endin taa tree mot veggen osso skov dei til seg paa tree som dei helt fast med beina.

Noko fast regel kor mykje dei skulde skava var det ikkje snak om her.

5.

Noko til aa skava med som paa teikningen bruka dei ikke her. Dei bruka slik ein gamaldags skavkniv der eggen jekk i innaaver, o so eit skaft i begge enda . so drog dei kniven til seg naar dei skava:



Hadde dei ikkje skavkniv brika dei ein aavbrøtin ljaa i passeleg lengde, o tulla ei fille om den gvasse endin, so dei ikkje skar seg. Blae paa skavkniven var rett, kona ikkje brukas te utholing taa skeier, auser o.l.

6.

Nokon stolpe som dei staa skavljaaen mot er ukjendr her,

7.

Noko kjøp'ell leige av stavskog er ukjendt. Bruken av skav har nok aldrig vore so mannjamt her som paa sørlande kan ein skjønne.

8.

Heller ikkje ved deiling av sameigeskog vart det snakka om ell teke omsyn til skaving.

9.

Var det ein aalmening der dei hadde rett te o kjøire heim ved til seg sjøl, kona dei sjølsagt gjera med veden som dei vilde,, men sameigeskog var vist heilt ukjendt i Numedal til bruks paa den maaten .

10.

Om husmennan hadde nokon sers rett te o ta skav kan eg ikkje svara paa , det er solenje sea slikt som husmenner var i Uvdal Uvdal.

11.

Skavhelle er noko heilt ukjendt her i dalen.

12.

Tuftekallen vart ikkje trudd noko sers paa her, iallefall la' n seg ikke burti enten dei hadde skava ille eller væl.

E.S.

Det skav dei helt jevaste her var av Raun, men der er det lite av, so det vanlege er , -eller var bjørkeskav. Dei bruka or og, men den var ikkje dyran so gla i .No er det heilt slutt med skav for 20- 30 aar sea.